

SECONDA SESSIONE URDINARIA DI U
2025
RIUNIONE DI I 22 E 23 DI MAGHJU DI 2025

2EME SESSION ORDINAIRE DE 2025
REUNION DES 22 ET 23 MAI 2025

2025/ E2/026

**REPONSE DE MONSIEUR GILLES SIMEONI A LA QUESTION DEPOSEE PAR MONSIEUR DON-
JOSEPH LUCCIONI AU NOM DU GROUPE FA POPULU INSEME**

Objet : Intellegghenza artificiali : integrazioni è spraghjera à a cullettività di corsica

Ci dà l'occasione di turnà nant'à una prublematica ch'à fattu l'ugettu digià di un scambiu trà l'Esecutivu è l'Assemblea di Corsica à l'occasione di a presentazione di u raportu nant'à u numericu ; l'avete detta, oghje l'intelligenza artificiale hè un'imbusca, un inghjocu maiò pè tutte e sucetà è ùn si passa micca un ghjornu senza ch'ellu ci sia un articulu, una riflessione, un libru, o puru lege chì sò vutate pècirca attempu à sustene è à inquatrà ss'arnese novu chi mudifichighja di modu propiu prufundu u nostru raportu à u sapè è à u campà inseme è diceraghju ch' l'Intelligenza Artificiale, appena cum'elle sò state e rete suciale, pò esse attempu un arnese di prugressu è/o un arnese d'alienazione, si pò vede per esempiu cù u duminu di e libertà pubbliche ch' l'Intelligenza Artificiale pò esse utilizzata da demucrazie ch' cercanu à parassi da unepoche di malfatte ma dinù da puteri auturitarii o dittatoriali ch' cercanu à impastughjà i so citatini.

Pensu ch'ella hè una riflessione d'interessu strategicu è maiò. Cume pudemu fà à u nostru livellu pè circa à riflette è à decide ? Vi vogliu ramintà ch' à partesi da u 2022, hè statu digià identificatu u sugettu di l'Intelligenza Artificiale cum'è un sugettu maiu ind'u nostru Schema direttore territoriale di l'accunciamentu numericu, un schema intitulatu Smart'Isula. Inde a seguita è a messa in ballu di 'ssu schema emu creatu European Digital Information Hub Corsica, un accunciamentu d'imprese è d'attori pubblici è lucali, ch' sustenenu è travaglianuinseme à a riflessione è à l'azione, à u livellu di e rete suciale, di l'infurmatica, di u numericu è di l'Intelligenza Artificiale hà da sorte da qui à u 2026 una chjama à prugetti in u quattru di i Fondi Europei chjamata DATA è Intelligenza Artificiale à u serviziu di l'interessu generale., una chjama à prugetti ch' cercherà à favorizà tutti i prugetti di messa in cumunu è

d'utilizzazione di l'Intelligenza Artificiale à prò di l'interessu generale è si sà ch'oghje ci hè un risicu maiò di maestria di tuttu ciò ch'è acquistatu in u quattru di l'intelligenza artificiale da grandi gruppi ch'è ponu esse in cuntradizione cù l'interessu generale è publicu. Ultimu puntu, dipoi parechji mesi emu messu in ballu una squatra à prugetti, una trentina d'agenti di a cullettività sottu à l'auturità pè u più di u DGA Michel Gaudeau Pacini. Ci hè ancu u Fab Lab ch'è hà travagliatu à prò di a riflessione interna à l'amministrazione è po dinù u serviziu d'Eric Ferrari pè riflette à una prima messa in ballu à l'internu di a Cullettività di Corsica di i mezi ch'è sò oghje permessi da l'Intelligenza Artificiale ma si sà qu'è dinù ch'è ci hè attempu una pussibilità d'ottimizzazione è un risicu, postu ch'è l'Intelligenza Artificiale ùn pò micca è ùn deve micca sustituiscesi à l'azione di l'umani è di i nostri agenti. Emu identificatu una vintina di pruposte ch'è faranu l'ughettu di un raportu ch'è avaria da esse presentatu è dibattutu, spergu, davanti à l'Assemblea di Corsica da qu'è à a sessione di lugliu o à u più tardi, à a sessione di settembre.